


Namba 19

Trinde, May 5, 1971

Prais 10¢

*Insait Bai
Yu Ken
Painim*



TOK HAIT

*Watpo Waitman
i Longlong?
Lukim Pes 3*



WOK FAMA I WIN

*Yu No Ken
Kaikai Kopa
Lukim Pes 8*

**MAN I SMAT
EM I SAVE
RITIM WANTOK**

PAS I KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prininem bilong yu tru, orait yu raitim arapela nem bilong yu tu.

Asua Bilong Arapela Man

Dia Edita.- Yes mi Francis Soga Mumis bilong Bougainville Distrik. Mi laik tok save long sampela trabel i bin kamap long Nairobi na long Kieta taun long taun taim bilong Ista. Planti pipel tumas i bin harim long ol nius olsem i bin gat planti trabel insait long Bougainville Distrik. Sori tumas ol dispela trabel i no kamap long ol pipel long Bougainville stret, nogat tru. Ol pipel long Westen Hailan na Sauten Hailan na Sepik na Papua

i bin statim dispela trabel. Lokal pipel i bin kisim nating trabel na kisim sem bilong ol arapela pipel i mekim rong long distrik bilong ol. Bambang nem bilong Bougainville i bagarap long ol dispela ol lain man i kam long arapela distrik. Yupela ol pipel i kam long ol arapela distrik i mas stap gut, na i no ken bagarapim nem bilong mipela long pait oltaim.

Francis Soga Mumis,
Bougainville

Plis Kiap

Dia Edita.- Planti mipela tisa na arapela man long Is na Wes Sepik Distrik i sem long longlong toktok bilong Matis Aliwan bilong ples Ambukanja hap bilong Yangoru Patrol Post. Dispela ples em i stap klostu long bikpela maunten ol i kolim maunten Hurun (Turu)

Plis kiap, yu ting wanem? Larim ol dispela lain bilong Aliwan i kamautim dispela simen o ston i stap long maunten Hurun, Bambang samting i kamap long dispela ston o simen? Na sapos samting i kamap, orait yumi ken tok, nating Aliwan i win.

Tasol, kiap, mi gat wanpela narapela wari. Aliwan i singaut long olgeta man i laik insait long wok kago bilong em.

Orait man i mas tromoim \$20 dola \$20 dola. Em i winim olgeta takis bilong kaunsil yet. orait kiap, mi laik save husat i holim ol dispela mani? I gat kuskus i stap? Ol i putim mani long beng? Wanem samting bambai i kamap long dispela mani em i bin kisim pinis long sampela pipel?

Sapos Aliwan i stretpela man. Orait em i ken bekim stret long dispela askim bilong mi. Mitupela tisa,

B. Sammy, N. Inang
Wewak.

Kwesten Na Ansa

Dia Edita.- Mi wanpela boi bilong Kaskas Ailan. Mi lukim nius na sampela man i tok selp gavman i gutpela samting, tasol mi ting olgeta wok yumi nau mekim i hatwok tasol. Mi laikim wanpela bikpela lo, long kamap bilong netif na kamap bilong waitman. Olsem wanem waitman i givim planti wok tumas long netif na dispela lo i stap we? Sapos yu husat yu no save long kamap bilong netif na kamap bilong waitman yu ken askim mi. Mi gat moa moa yet kwesten na ansa bilong dispela toktok na askim. Sori tumas long olgeta hap bilong Teritori. Yumi hatwok tumas long dispela taim narapela taim i kamap yumi ken sindaun wantaim? Mi tok klia long yupela yu husat i laik askim mi long sampela kwesten yu ken askim mi ken bekim long yupela.

M.S. Nellsu
Kandrian

No Laikim Lotu Pisin

Dia Edita.- Mi laik autim tingting bilong mi na olgeta pipel i ken harim. Sori planti taim Pater i mekim misa long tok pisin em i no stret liklik. Planti katolik manmeri ol i no laik long pisin misa. Long Sande na skulde em i ken mekim misa long tok pisin. Taim bilong bikpela pestode na krismas ol Pater i ken mekim misa long tok latin. Bai ol katolik pipel i ken hepi na amamas tru. Nau ol Pater i mekim bikpela misa long tok pisin na i no stret. Olsem na katolik pipel i les liklik long misa. Na tu ol i senisim nek long kanam na yuangam. Sapos yu wari long dispela tok rait tasol long Wantok Nius.

LCPX.A. Layuk Remp

Toktok Strong Tumas

Dia Edita.- Mi laik save wanem as bilong rong yupela memba bilong Haus Asembli i wok long toktok strong tumas long kisim selp gavman? Yupela ting yumi inap pinis long save na strong long ranim dispela kantri Papua Nu Gini. Olsem yupela i laik rausim ol waitman. Mi ting gavman bilong Australia inap long lukautim yumi inap yumi gat save moa yet. We stap faktori bilong wokim ol bom na masin gan, na olkain samting olsem tin. Sapos i gat taim nogut i kam, maski long tingim yu yet, mas tingim ol arapela man i stap kranki tingting yet. Mipela ol ailan i stap long Nu Ailan mipela i no lukim pes bilong dispela lain Selek Komiti.

Ol i bin raun tasol long taun. Tingting bilong ol man na meri long taun i wankain olsem mipela ol man na meri long ol ailan? Mi ting selp gavman bai i ken kamap long longpela yia bihain. Rot bilong kisim mani i no klia gut yet, na ol samting mipela i planim long graun i no gat mani i kamap long ol. Mi ting selp gavman em mani i ken kirapim na i ken wok gut long en. Sapos mani i no gat bambai gavman bilong yumi i wok gut? Sapos wanem kain komiti i laik wokabaut moa long telimautim wanem kain tingting, orait i mas go raun long ol ailan. Bambang i ken kisim laik tingting bilong ol pipel.

Melchi. K. Langai.
Kavieng

No Laikim Indonesia

Dia Edita.- Mi skelim dispela tok long Indonesia i helpim Papua Nu Gini i no stret. Mipela i trast Teritori. Em i olsem Niugini em i bilong Amerika na Papua i 7 stet bilong Australia. Watpo arapela kantri i laik pusim mipela long independens? Indonesia em i kominis kantri na mipela i no laikim em i helpim Papua Niugini. Long wanem bipo tru long pasin nogut bilong ol. Watpo Amerika i no laik kisim Niugini olgeta i go long em na Australia

i kisim Papua i go insait, na maski arapela kantri nabaut? Bipo tru taim God i wokim heven na graun, em i bin putim yumi pipel na olgeta samting pinis long yumi na save. Sapos yu bilong wanpela kantri em i kantri bilong yu. Yu no ken kalap na mekim bikpela gris tru long kisim graun bilong arapela pipel. Wanem pren i laik bekim pas bilong mi, orait rait long Wantok. Awayam Datson, Sauiza Noriba na Christine Geoctau Bulolo.

Yumi No Wanbel

Dia Edita.- Mi wanpela man nating mi no stap long gutpela wok olsem yupela. Tasol mi save amamas long ritim Wantok. Nau mi laik tok long Niugini i kisim selp gavman. Gutpela tru long yumi kisim selp gavman. Tasol mi ting i gat planti hevi i stap insait long kantri bilong yumi. Mi lukim long taun, ol man long taun i no stap wanbel. Nogat. Chimbu i kirap long kilim man na Sepik i kirap

long kilim man, na sam-pela arapela man tu i wok long pait nabaut. I soim olsem yumi gat bikpela hevi i stap yet. Olsem yumi kisim selp gavman na independens em bai kantri bilong yumi i bagarap. Olsem yumi mas rausim nau ol dispela kain pasin i no stret na yumi mas stap wanbel long lukautim kantri bilong yumi.

S. Jamansang Jakamtong
Lae

Nem Niugini Tasol

Dia Edita.- Mi wanpela boi bilong Enjiniring bilong Madang. Mi laik bekim pas bilong Peter Walikimbie mi lukim long Wantok. Nem olsem "Pagini" em tok nogut na Papua Gini em tu em nogut liklik. Mi kisim tu Wantok na mi ritim long bikpela bikpela ol man ol givim gut aidia ol i tok. Yu Papua Niu Gini yu go long Japan, na Sidni na ol ples bilong ol kantri, na ol i no kolim yu Papua na Pagini na Papua Gini, nogat. Ol

i ken kolim yu Niugini tasol. Na bipo long yia 1944 ol Japan i kam woa long yumi long Papua Niugini na ol i no save long nem Papua. Ol i save long Niugini nem tasol. Nau ol wantok yupela i no ken putim Pagini Pagini na Gini em ol nem nogut. Ol kantri bilong yumi i no save long wanpela nem Papua Niugini. Sapos husat man i gat tok rait tasol i kam long Wantok.

H. Belles.
Madang



TOK HAIT

Yumi mekim wanpela tok hait. Bilong wanem? Long wanem i no gat planti waitman i- nap ritim. Ol i longlong long tok pisin.

Bel bilong mi i hat, mi lukim planti tu- mas waitman bilong Australia na Nu Silan na Englan na Amerika i kam long Niugini na i tok bilas long tok pisin bilong mipela.

Neks taim yu harim wanpela Australia o Englan o Amerika i mauswara na i tok bilas long tok pisin, askim em: "Pren, yu save long hamas tok ples?" Bai yu kalap nogut. Klostu olgeta dispela man i save long wan- pela tok ples tasol: em Inglis tasol. Na yu? Yu save long 2-pela, 3-pela, 4-pela.

Harim, pren. Yu winim ol dispela kain man pinis. Em i pasin bilong kain man hia, sapos em i les long mekim wanpela samting, em i kirap tok bilas long dispela samting.

Yu harim, pren. Olgeta man i laik lainim tok ples bilong pren bilong em. Man i no laikim tok ples bilong mi, em i no laikim mi tru. Nogat. Em i ting tok ples bilong mi i rabis samting. Olsem na em i lap long en. Em i lap long tok ples bilong mi, em i lap long mi yet; em i rabisim mi.

Olsem wanem waitman i hambak planti long olkain save bilong em, na em i no inap lainim tok ples bilong mipela? Olsem wanem? Mipela i manki bilong ol tasol, na mipela i mas lainim tok ples bilong ol yet? Watpo ol i no bekim? Mipela i man tu, mipela i gat tok ples bilong mipela stret. Na sapos waitman i no save liklik long dispela tok ples, mobeta em i pasim maus.

Mi laik lukim wanpela Australia i go long Saina o Indonesia na em i tok bilas long tok ples bilong ol man bilong dispela ol kantri bikos em i no pairap gut long yau bilong em. Bai ol i ting em i stupit tru, em i buskanaka tru.

Na olsem wanem? Hia long Niugini ol i kirap tok bilas olsem na i no gat wanpela Niuginian i gat tok.

Olsem wanem?

Niugini Nius

Bougainville

Ol pipel bilong 7-pela viles klostu long Oria i wok wantaim long pinisim wanpela longpela nupela ples balus antap long ol maunten namel long Buin na Kieta.

Buin Lokal Gavman Kaunsil na gavman tu i givim mani long baim ol wokman. Ol i hatwok tru long wanem ol i bin karim olgeta hap bilong tupela trakta na bringim i go antap long ol maunten bilong mekim dispela wok. Ol man tu i mas karim ol bensin bilong trakta. Ol i no gat rot olgeta inap long dispela ples.

Lae

Mista Nelson Wazob bilong Gabensis Praimeri T Skul klostu long Lae i kirapim skul bilong ol bikpela man. Skul hia em i mekim long tok pisin na tok inglis na 44 manmeri i bin givim nem bilong ol. Oltaim ol i skul long nait. Pastaim ol i gat skul long rit na rait na bihain ol i ken askim olkain samting, bai ol tisa i givim save long ol.

Mista Wazob i wetim nau sampela buk i kam long wanpela skul bilong Eksternal Staties long Port Moresby.

Ol man hia i kam long skul, ol i no kisim nating olgeta samting Nogat. Ol i mas baim skul.

Mt. Hagen

Wanpela plisman bilong Mt. Hagen, nem bilong em Rema i pinisim wok plisman bilong em bihain long 20 ten yia. Plisman Rema i join long lain

plis long yia 1950. Em i kisim trening pinis long Goroka na bihain em i wok long Chuave, Kundiawa, Minj, na Mt. Hagen.

Hetman bilong ol plisman, Mista N. Nichols, i givim pensin buk long em long Mt. Hagen Plis Stesin.

Rabaul

Wanpela yangpela Niuginian, nem bilong em Mista Jack Diuvia, i bosim nau wanpela bikpela plantesin bilong Kokonas Prodaks Kampani bilong Rabaul.

Dispela plantesin em i stap long Nu Ailan na nem bilong en Komalu Plantesin.

Mista Diuvia yet em i wanpela Tolai bilong Raluana Viles klostu long Kokopo. Em i skul pinis long bikpela skul didiman long Popondetta na bihain em i go insait long lain bilong ol man i trening long wok insait long ol stua na plantesin bilong Kamda.

I gat 15 moa Papuan na Niuginian i trening nau long Vudal Didiman Koles bai ol tu inap bosim ol plantesin.

Long Malaguna Teknikal Koles ol i bin kisim moa olsem \$14,600 bilong helpim ol gutpela skulboi i laik kisim moa save. Em inap baim bikskul bilong 24 man. Kain mani olsem i save kam long sampela bikpela kampani na klap i laik skulim ol lokal pipel long kisim gutpela wok.

Asbisop John Hoehne bilong lotu katolik long Rabaul, i tok kros long gavman, long wanem gavman i go isi isi tumas long baim graun long helpim ol Tolai pipel. Asbisop i tok ol katolik

i laik salim 13,400 eka graun long gavman tasol gavman i no laik baim.

Asbisop i tok, long 1962 tu em i laik salim narapela 10,600 eka graun, tasol gavman gen i no laik baim.

Bulolo

Wanpela Papuan teknikal ofisa bilong dipatmen bilong ol bikbus, nem bilong em Mista Misi Henao, bai go kisim trening inap sikis mun long Australia.

Mista Siwi Kurondo, namba tu ministerial memba bilong ol bikbus, i tok Mista Henao em i namba wan man i winim Forestri Koles long yia 1965.

Port Moresby

Mista Jack Pini, Kuskus bilong klap bilong ol manmeri i save pilai olkain spot, em bai bosim tim bilong Niugini i go long bikpela pilai o gem long Tahiti.

Niugini bai salim 164 manmeri i go mekim olkain resis wantaim ol wansolwara bilong ol. Ol gem hia bai i stat long de namba 8 bilong mun Septemba.

Mista Jack Pini i bosim tim bilong swim long bikpela gem long Port Moresby.

Wanpela man nem bilong em Rotana Mamata, i bin stilim 5-pela katen bia insait long haus kaikai bilong ol Plis Ofisa yet. Ol i kotim Rotana Mamata, na kot i tokim em long bekim \$25.dola insait long 6-pela mun.

Namba Wan

Ami Mesa

Long de namba 3 bilong mun Me namba wan pasifik Ailan Ofisa, Kepten E.R. Diro, i kisim namba bilong mesa.

Inap nau em i wok insait long bikpela kem tru bilong ami bilong Australia, ol i kolim Murray Bareks long Port Moresby.

Mesa Diro em i namba wan Melanesian ofisa i winim skul bilong ol ofisa long Portsea, Victoria, Australia. Em i namba wan Papuan na Niuginian i kisim namba bilong mesa.


Nau em bai i go long Taurama Bereks na bosim "C" kampani, namba wan batalian, P.I.R.

Nupela Plak Long Singapore

Long Singapore long Malaya em i namba wan taim ol arapela kantri i bin hangamapim nupela plak bilong Papua na Nu Gini. Em ol i mekim long wanpela miting bilong Developmen Beng bilong Asia.

Gavman bilong Singapore yet i singaut long tupela plak i kam na i hangamap wantaim plak bilong olgeta arapela kantri.

Nau Mista Oala Oala-Rarua i bringim wanpela i go long wanpela miting long ol Filipin Ailan.





WIL BALUS BILONG

ANSETT

YU LAIK FLAI LONG WANEM HAP
ANSETT I HEPI LONG KARIM YU I GO

Ansett I Gat Olkain Balus
Smok Balus Tri Ensin Tu Ensin Wan Ensin



We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

ANSETT AIRLINES OF PAPUA NEW GUINEA
in conjunction with Ansett Airlines of Australia.



Dokta Guise

Ol plisman na ol ami tupela i gat bikpela wok bilong mekim Papua na Nu Gini i wanpela kantri tasol. Mi ting ol ami na ol plisman i mas gat wanpela memba bilong ol yet insait long Haus Assembly. Mi pret bai i gat planti pasin nogut i kamap long taim bilong independens.

(Spika bilong Haus Assembly.)



Oala Oala-Rarua

Sapos Australia i no salim bikpela mani olgeta yia long Niugini, bai yumi no inap statim sampela nupela bikpela wok. Bai yumi mas stapim sampela wok yumi kirapim pinis.

(Namba tu ministerial memba bilong Tresari.)



Toua Kapena

Long Jun bai Haus Assembly i vot long wanpela nupela lo i ken tambuim sampela kain wokman long kam insait long dispela kantri bilong painim wok. Em ol wokman nating. Kain wokman olsem i pasim ples ol Niuginian yet i mas kisim. Gavman i orait pinis long dispela lo.

(Ministerial memba bilong ol wok.)




Albert Maori Kiki

Ol Japan i laik helpim ol bisnis bilong Niugini tasol Australia i no laik.

Mipela i mas painim mani long olgeta hap: long Indonesia, Malaya, Filipin Ailan, na Japan. Pastaim mipela i go askim long ol pren bilong Australia. Australia i mas save Niugini em i kantri bilong Asia.

(Lida bilong ol Tret Yunion.)



Mr. Barnes

Ol ministerial memba bilong nupela Haus Assembly bilong 1972 i ken kamap olsem gavman tru bilong Teritori. Sapos Haus Assembly i orait tru long ol, gavman bilong Australia i ken yesa tu, na i ken soim rot long selp gavman olgeta.

(Minista bilong ol Teritori.)



Michael Somare

Oltaim Mista Barnes i tok Niugini i ken kisim selp gavman sapos planti pipel i laikim. Nau em i lukim dispela taim i kamap pinis. Mipela Pangu i bin tok olsem planti yia moa.


(Lida bilong Pangu Pati long Haus Assembly.)



Mr. Whitlam

Mi sem tumas mi lukim wanpela liklik lain waitman i hat long kisim bikpela nem na bikpela mani. Dispela pasin bai bagarapim gutnem bilong Australia. Ol man hia i no laikim tru selp gavman. Tasol maski, ol i no inap pasim rot bilong en. Nogat tru.

(Lida bilong leba Pati.)




Mr. Grove

Gavman i no laik givim moa laisens long ol kampani long go lukaut long kopa long Bougainville. Bikpela kampani CRA i kisim pinis planti graun moa. Na gavman i no laik bai pipel i lusim sampe-la graun moa.

(Direkta bilong ol graun)

OLGETA HARIM GUT!



Dispela sop pauda, ol i kolim "COLD POWER" i nambawan tru. Em i wasim na rausim tru ol kainkain pipia long ol klos bilong yu.

Dispela sop pauda i gat wampela kain strongpela marasin long en i save mekim save tru long rausim ol kain pipia – long ol klos.

Yu ken usim wara long tang or long wara nating. Dispela i kol wara. Sop "COLD POWER" i strong moa na i ken rausim ol pipia long klos bilong yu.

ol nupela fama long bougainville

Long pestode bilong Santu Patrik (17 Mas) 11-pela man i winim skul didiman na i kisim setifiket long St. Patrik Agrikalsural Skul long Mabiri. Bisop Lemay bilong Bougainville i sambai long pesto na i givim setifiket long ol.

Em hia nem bilong lain man i kisim save pinis long olkain wok fama o didiman: Mr. Petero Tapatoman - Manetai, Mr. Raphael Kasira - Koromira, Mr. Michael Lonsa - Monoitu, Mr. Stanislaus Bita - Kuraio, Mr. Raphael Ona - Tubiana, Mr. Michael Duamei - Deomori, Mr. Benedict Sipere, Sipai, Mr. John Kannau - Buin, Mr. Thomas Kearavis - Asitavi, Mr. Peter Kurai - Manetai, Mr. Anthony Kirava - Deomor.

Dispela lain manki bin skul fama inap tupela yia olgeta. Ol i skul pinis long olkain wok bulmakau na pik, long wok kakaruk, wok pato, wok pipi, wok meme na hos na long olgeta arapela kain wok didiman tu. Nau ol i go bek long ples statim fam bilong ol yet. Na ol i kisim i go ol bulmakau, pik, kakaruk, na pato ol i bin winim long skul pinis. Ol dispela 11-pela man i namba wan lain i winim skul pinis. Namba tu lain bai i pinis long mun Mas long yia 1973.


Long pesto bilong pinisim skul i gat wanpela bikpela so na sing-sing na wanpela bikpela kaikai. Samting olsem 400 pipel i kam lukim ol yangpela fama i wokabout wantaim olkain bulmakau. Sampela i sindaun antap long hos. Sampela gen i sindaun long karis ol bulmakau yet i pulim i go. Sampela skulboi i soim ol man i kam lukluk

raun, pasin bilong pulim susu bilong bulmakau, pasin bilong wokim bata na bilong wokim ol sos-is. Wanpela fama i wokabout wantaim ol man i kam lukluk na i telimautim olgeta samting long ol.

Miss Patricia Mate, tisa bilong Manetai, i tok em i amamas long lukim ol nupela fama wantaim wok bilong ol. Miss Christina Mateaku bilong St. Marys Haiskul i tok dispela so didiman em i nambawan olgeta. Mr. Michael Tovis i tok amamas na tenkyu long ol yangpela fama. Em i tok bihain bai ol man i ken baim mit long ol fama yet na i no mas baim tin mit moa.

Bisop Lemay i tokim ol yangpela fama ol i no ken holimpas save ol i kisim pinis. Nogat. Ol i mas tilim nabaut long ol pipel. Olsem tasol ol i helpim ol na mekim sindaun bilong ol i moa gutpela na moa isi. Bisop i tok wok didiman i nambawan tru. Em i antap long ol arapela kain wok bilong mekim sindaun bilong ol pipel bilong teritori i gutpela tru.

Wok kopa em i gutpela wok. Tasol man i no ken kaikai kopa. God yet i bin givim wanpela gaden long Adam tupela Eva na em yet i tokim tupela: yutupela i lukaut long dispela gaden. Adam tupela Eva i paslain tru bilong ol fama. Maski man i mekim wanem samting, em i mas kaikai. Orait, na ol samting ol fama i mekim kamap aninit na antap long graun, em i bilong kaikai tasol. Olsem wok fama em i as wok tru bilong yumi olgeta. Olsem tasol em i antap tru long ol arapela wok.




Hia yu lukim wanpela sumatin didiman i rausim ke wanpela bulmakau long bikpela sisis. Em i no pen.



Em i pasin bilong taitim waia bilong banis. Sampel save taitim wanpela waia tasol na putim lektrik insa



Dispela kain bulmakau ol i kolim bramin. Em i India na inap long stap long ples i hat tumas.




Hia ol sumatin didiman i boinim wampela mak i go insait long skin bilong bulmakau. Olsem man i save makim bulmakau bilong em stret na i no gat narapela man i ken stilim.



Dispela pik man em i tumbuna tru bilong bikpela lain pik moa. Em i man nogut tru, i save ranim olgeta man i kam klostu long en. Ol didiman i wok long kamapim ol bikpela bikpela pik moa.



Haus ka bilong ol didiman. Ol sumatin didiman i mas save tu long pasin bilong ranim na fiksik olkain ka na trakta na masin. Man i lainim wok didiman tude em i mas gat planti kain save.



Didiman i saripim gras wantaim trakta. Bai nupela gras gen i kamap na ol bulmakau i saripim long tit bilong ol yet. Bulmakau i mas gat gras na wara, em tasol.



Bihain ol bulmakau i save tru long ol didiman na i save harim tok bilong ol. Em i no mas paitim ol. Ol i save harim tok olsem dok na pusi. Long sampela ples ol dok yet i bosim ol bulmakau.

Planti pipol oli askim

Tutt Bryant emi gat wonem samting long stoa bilong ol.

Emi gat planti kain masin nau sperpat long en tu. Nau hia yu lukim sampela mipela igat long stoa long mipela. Sapos yu laikim arapela samting bai yu askim long stoa long mipela long wanem TUTT BRYANT igat planti samting long ol masin, moto nau arapela samting. Em hia mi kolim sampela tosol mipela.

ALLIS CHALMERS <i>(earth moving equipment)</i>	LIGHTBURN <i>(cement mixers)</i>
APAC <i>(lift gear)</i>	LINCOLN WELDERS
AVIS RENT-A-CAR	KAWASAKI OUTBOARDS
BEDFORD <i>(trucks)</i>	KITTEN <i>(automotive products)</i>
BROOMWADE COMPRESSORS	MERCURY OUTBOARDS
CARIBBEAN BOATS	MICHIGAN LOADERS
DAIHATSU	MONROE-WYLLIE AUTOPARTS
DUFFIELD HOSES	ONAN <i>(engines and generator sets)</i>
EQUIPMENT INVESTMENTS <i>(hire purchasing and leasing facilities)</i>	PACIFIC-ACE EQUIPMENT
FIAT TRACTORS	PACIFIC PUMPS
FIRESTONE TYRES	P.E.P. <i>(automotive products)</i>
GENERAL MOTORS HOLDEN	PERKINS DIESEL
GENERAL MOTORS <i>(diesel)</i>	PHOENIX ASSURANCE
HEALTHWAYS DIVING EQUIPMENT	SMITH'S INSTRUMENT
HOWARD <i>(Agricultural)</i>	SUZUKI MOTOR CYCLES
I.S.S. <i>(safety equipment)</i>	VOLVO-PENTA <i>(marine engines)</i>
	YANMAR DIESEL
	YOKOHAMA TYRES



Tutu Bryant Pacific Limited

BRANCHES: PORT MORESBY, LAE, GOROKA, MADANG, RABAU, KIETA
AGENTS: MT. HAGEN, WEWAK, HONIARA (BRITISH SOLOMONS)
WRITE: P.O. BOX 326, PORT MORESBY, T.P.N.G.

KRISTEN PRES i wokim kain kain buk bilong strongim bilip na bilong sanapim gutpela pasin na sindaun na bel isi bilong ol manmeri na ol pikinini.

Nau yu ken baim dispela buk:

Pasin Bilong Kristen Mama

Em i soim wok bilong ol mama long lukautim haus na kaikai na klinpasin na pilai bilong ol pikinini na gutpela rot bilong prea na song na amamas.

Salim oda i go long:



KRISTEN PRES

Sales Division
The Christian Book Centre
Box 222, Madang

Bishop Louis Vangeke and Mr. Karl-Heinz Stellmack discussing the production of a new record called "Melanesian Impressions." Mr. Stellmack is at present in the Southern Highlands making a film on the work of the Capuchin Mission. The film, "And Then Came Dawn" when finished will be shown on colour television in the America and at two International Film Festivals.

WANTOK - Trinde, Me 5, - Pes 10

helpim bisnis bilong yu

Nau mi laik toktok long ol prais bilong ol samting mipela i save salim i go long ol arapela kantri na long ol samting mipela i save baim long ol arapela kantri.

Pastaim yumi lukim, wanem samting mipela i save salim i go long ol arapela kantri. Em hia: kopra, kakao, kopi, na kasang o pinat. Nau yumi kirap bihainim rot bilong wanpela samting yumi salim i go long arapela kantri. Yumi bihainim kopi, bai yumi ken lukim ol bisnisman i mekim wanem samting long ol kopi bilong yumi.

Yu save i gat planti arapela kantri long graun i save salim kopi i kam long bikmaket. Tupela bikpela tru i Brasil long Saut Amerika na Uganda long Afrika. Brasil na Uganda na Niugini i save salim ol kopi i go long ol biktaun bilong graun. Hia ol manmeri i laikim kopi tumas.


Orait, nau i gat tupela kain kopi. Wanpela ol i kolim Arabica na arapela kain ol i kolim Robusta. Sampela man i

laikim wanpela kain, sampela i laikim arapela gen. Na sampela -man i laik miksim tupela wantaim, ol i laik miksim kopi bilong Niugini wantaim long kopi bilong Brasil o Uganda. Orait, sapos wanpela yia kopi bilong Brasil i bagarap, i no gat ren, orait, bai ol bisnisman i baim bilong mipela...long wanem mipela i gat planti na i no tudia. Bai ol i miksim wantaim kopi bilong Uganda. Narapela taim sapos Uganda tupela Brasil i gat planti kopi moa, bai ol i win long mipela....na bai ol bisnisman i no baim long mipela sapos mipela i no daunim prais.

Na sampela taim tu bikwin o ren o san o sik i save bagarapim ol kopi bilong wanpela ples. Sampela taim binatang i save bagarapim ol tri kopi, o i gat pait na ol man i no ting long kopi bilong ol. Ol dispela samting i senisim prais bilong kopi long wanpela wanpela kantri. Na olsem tasol prais bilong kopi i save go antap na i save go daun. Nogut yu ting ol i mekim nating; nogat.



Pasin Tumbuna



Hia long Niugini i gat planti kain kain pasin yumi save kolim pasin bilong ol tumbuna. Ol dispela pasin i bilong bipo tru. Ol waitman i no kamap yet na ol dispela pasin i stap. Nau long dispela taim yumi kolim "nupela Taim" planti dispela pasin bilong tumbuna i laik lus. Sampela man ol i tingting yumi olgeta man bilong Niugini i mas pinisim ol dispela pasin bilong bipo na bihainim ol pasin bilong waitman tasol.

Tasol mi ting ol dispela kain tingting i no stret. Planti pasin bilong ol waitman i no

stret. Na sapos yumi biyumi no ken tingting long bihainim olgeta pasin bilong ol tumbuna. Yumi mas bihainim ol pasin bilong Jisas. I olsem tasol. Yumi olgeta Kristen; orait, yumi bihainim pasin bilong Jisas.

I olsem: pasin bilong tumbuna i tok, "Yu mas bekim long ol man i mekim nogut long yu. Yu mas bekim ai long ai, na yu mas bekim tit long tit". Tasol Jisas i tok: "Yu no ken sakim man i mekim nogut long yupela. Nogat. Sapos wanpela man i solapim wanpela wasket bilong yu, orait yu mas givim arapela wasket tu

long em". Orait, yumi mas lusim dispela pasin bilong bipo na bihainim tok bilong Jisas.


O yu lukim sampela pasin bilong sampela waitman i tok, i orait long man i prenim meri, o wokim haus pamuk. Tasol Jisas i tok, "Sapos wanpela man i lukim wanpela meri na bel bilong en i hainim tru, bai i bagarapim kantri bilong yumi. I tru sampela pasin bilong ol tumbuna tu i no stret, tasol yumi no ken lusim olgeta pasin bilong bipo. Sapos yumi mekim olsem, yumi stap olsem man i gat tupela kala. Wanpela hap i wait, na wanpela hap i blak. I olsem, long ai bilong ol man yu blakskin, tasol long insait long tingting yu waitman. Kain man olsem i no ken sindaun gut. Bilong wanem? Tupela hap bilong em bai wok long pait.

Bai yumi mekim wanem? Yumi no ken tingting long bihainim olgeta


pasin bilong waitman na kirap long em, orait long dispela pasin em i mekim long bel bilong em yet long dispela meri, dispela man i kalapim pinis lo bilong marit". Orait yu mas lusim dispela pasin bilong ol waitman na bihainim pasin bilong Jisas.

Yumi mas mekim olsem long olgeta lo o pasin bilong ol man, maski waitman o blakman. I gat wanpela kain gutpela pasin tasol, em i pasin bilong Jisas. Long dispela samting Jisas i kam pinis long dispela graun. Em i laik skulim yumi long olgeta pasin bilong God. Em i save yumi ol man nating i no inap kamapim ol gutpela pasin. Orait Jisas yet i kam na lainim yumi long ol gutpela pasin. Yumi Kristen pinis, orait yumi stap long nupela taim. Tasol yu no ken tok em i taim bilong waitman, yu mas tok em i taim bilong Jisas.


SANYO



TEP RIKODA
Smolpela tru. Strongpela moa. I no kostim planti. Yu inap yusim long bateri tasol.



NAMBAWAN REDIO bilong harim musik na nius. Yu baim Sanyo long liklik mani tasol. Karim Sanyo i go long ples bai ol i amamas tru, bai yu get namba.



PIKAP NA REDIO WANTAIM
Sanyo - santing tru. Sanyo - swat moa. Tupela spika. Yu laik harim redio? Orait. Yu laik pilai rekot? Orait. Sanyo i redi - oltaim. Maski lektrik. Bateri inap.

Ol samting bilong SANYO i kamap long dispela kampani hia:

TERRITORY AGENTS

BRECKWOLDT & CO. (N.G.) PTY. LTD.

- | | | | | | | |
|--|-------------------------|----------------------|------------------------|---------------------------|------------------------|-----------------------|
| PORT MORESBY
P.O. Box 1549, Boroko. | MADANG
P.O. Box 185. | LAE
P.O. Box 557. | RABAU
P.O. Box 222. | MT HAGEN
P.O. Box 237. | WEWAK
P.O. Box 178. | KIETA
P.O. Box 77. |
|--|-------------------------|----------------------|------------------------|---------------------------|------------------------|-----------------------|

Pasin Bilong Rait

I gat 15 manmeri i ting. kisim pinis trening long olkain pasin bilong rait long wanpela kos long CMML misin long Anguganak long Wes Sepik Distrik. Ol i skul inap 10-pela de olgeta na tisa bilong ol em Mista Glen Bays.


Mista Bays em i bilong Krietiv Trening Senta long Nobonob klostu long Madang. Dispela em i as ples tru bilong givim ol kain kain save long pasin bilong raitim ol buk na nius na stori sam-

ting. Ol studen bilong dispela kos long Anguganak em ol tisa na pasto bilong CMML na SSEM na AOG misin.

Ol i amamas tru long wok bilong ol, olsem na long mun Me ol i laik prinim wanpela liklik niuspepa bilong ol yet, bai ol arapela man i ken ritim rait bilong ol. Nem bilong dispela niuspepa em hia: SAVE NAU, Sepik Nius i kam long ol pipel.



Em hia tripela man i winim bikskul bilong Dipatmen bilong ol Graun i stap long Rabaul. (Kirap long lephan) Mista Oswin Karau (Popondetta), Mista Mark Kelep (Manus), na Kenneth Osembo (Milne Bay). Long lain bihain yumi lukim Mista C.A. Fletcher, namba wan man bilong traim save bilong ol, na Mista D. Balfour-Ogilvy, hetman bilong ol Valuer bilong Australia. Valuer em i man i save skelim gut graun o wanpela samting na tok em inap long hamas mani.




Lukim gut tru dispela piksa. I gat tupela pes tasol i wankain tru, Wanem tupela??????

WANTOK - Trinde, Me 5; - Pes 12



Nem bilong 4-pela meri i paslain, long han kais inap long han sut: Majori Molanipan, Gloria Wonbaip, Sarah Popi, Rosemary Bein. Namel, han kais inap long han sut: Titus Gumai, Inikio Sosmekul, Les Loader, Glen Bays, Inandiok Hayaku, Wally Sim. Bihain tru, long han kais inap long han sut: Aifon Samson, David Silingin, Silas Sakupuk, Suren Martin, Nanau Susuma, Yisimben Yinawe, na Daniel Apomio.



Wang Aulak bilong Siar Viles klostu long Madang i no man bilong sindaun nating. Maski tupela han bilong em i bagarap pinis longtaim bipo long sik lepra. Dispela tupela han i gat planti save long sapim olkain samting.

Wang i mas gat tripela samting tasol: wanpela liklik naip, sampela sanpepa, na sampela vanis. Orait, givim wanpela hap plaiwut o hap stret-

pela diwai long em, nau tupela han bilong em i kirap wok. Pastaim em i vanisim diwai na bihain, liklik naip bilong em i katim piksa i go daun insait long diwai.

Planti man i laikim dispela ol kaving bilong Wang. Em i kisim dispela gutpela save long Ausar Lutheran Haus Sik. Yu ken painim man hia insait long liklik haus win bilong em. Em i wok i stap na i sapim ol piksa long tingting bilong em yet.



world news

fire kills 24

BANGKOK: Fire swept through a tourist hotel recently killing at least 24 people.

Among the dead were nine Americans an Egyptian, a West German and a number of Thais.

The fire broke out at the four storey Imperial hotel, a popular tourist spot in the centre of Bangkok.

programme for aborigines

CANBERRA: The Prime Minister Mr. McMahon has announced a sweeping new program to co-ordinate work and policies on aboriginal affairs.

It will entail the setting up of a special committee presided over by the Minister in Charge of Aboriginal Affairs, Mr. William Wentworth.

Mr. McMahon said it would be the task of the Minister to work out, with the advice of the council, policies to meet the needs and problems of the aboriginal people.

home safely

MOSCOW: Russia's three man Soyuz-10 spacecraft returned to earth last week after a hour link-up with the world's first space station.

News that Soyuz-10 had soft landed safely in the steppes of Soviet Central Asia was swiftly followed by a statement that experiments with the unmanned space station would go on.

rebels hold out

CEYLON: Ceylon's toughest rebels held out last week in pockets of jungle amid tea and cinnamon estates 45

miles south of Colombo.

But the Ceylonese army was slowing closing in on the rebels and hope to secure the area within a week.

strike goes on

SUVA: The commission of inquiry into the three week old Fiji waterside strike said the strikers claims for almost 100% pay rise - to 62% an hour - are unjustified.

The report says the shipping companies offer of a six per cent an hour increase was most reasonable. The offer was rejected by workers.

war deaths

SAIGON: Battlefield deaths in the Vietnam war since January 1 1961 total more than 900,000, according to figures released in Saigon recently. The United States and South Vietnamese commands said that 494 South Vietnamese, 56

Americans, and 2791 communist troops were killed in the week ending April 17.

death of dictator

HAITI: Francois "Papa Doc" Duvalier, lifetime president of Haiti, died recently after a three month illness. He was 64. Duvalier's 20 year old son Jean-Claude will succeed the gray haired director who has led the republic of Haiti since 1957.

unicef cheque

AUSTRALIA: The Australian Freedom-From-Hunger Campaign has presented cheques totalling A\$436,075 to the United Nations Children's Fund (UNICEF) and the Food and Agricultural Organisation (FAO).

The money was raised during the Campaign's 1970 national appeal.

DID YOU KNOW

The longest sausage ever recorded was 2000 feet in length and weighed over 840 pounds. It was carried through the streets by 103 butchers to honour the coronation of Frederick III as the first king of Prussia.

The largest recorded shoes are a pair measuring 2ft. long and 1ft. wide made for a Mr. del Rios in Miami, Florida.

The world's most notorious miser was Hetty Green of New York who who had a bank balance of \$95 million when she died at 81 years in 1916. Her will was found in a tin box with four scraps of soap. She was so mean that her son's leg had to be amputated because of the delays in finding free medical care. She herself lived off cold porridge because she was too miserly to heat it.

That the heaviest smokers in the world are the people of the US. An average of 4,000 cigarettes per adult are consumed at a cost of \$8,000,000,000 each year.

The greatest range of ice cream flavours marketed in the world is the 185 offered by an ice cream manufacturer in California. The selection includes such items as blueberry cheesecake,

ice cream and pink grapefruit ice.

The longest recorded time spent under a shower is 60 hours by Herbert Waldron of Great Torrington, Devon.

The most talkative bird was a budgerigar called Sparkie Williams owned by Mrs. M. Williams of Hampshire, England. Sparkie Williams had a vocabulary of 531 words.

ol niugini pris i kibung

Long mun April i gat 15 Niuginian na Papuan pris bilong ol katolik i kibung namba wan taim long Port Moresby. Ol i miting i stap long Holy Spirit Semineri, em i bikskul bilong redim ol yangpela man i kamap pris. Sampela tingting bilong ol em hia:

1. Mipela i pilim bilip bilong ol kristen i no go insait tru long laip bilong ol wantok yet. Mipela ting em i bikos ol waitman i bringim planti kain save na pasin i no bilong dispela kantri, na olsem planti pipel tumas i no kisim gut save long ol samting bilong God.

2. Tru, long ai bilong ol pipel mipela i pris tru, na ol i save bringim ol wari bilong ol i kam long mipela. Tasol planti taim ol i ting mipela i olsem ol Yuroplan, na olsem ol i hatwok na lusim mani long givim gutpela kaikai na gutpela samting long mipela. Mipela i no laik. Mipela i mas soim ol, mipela i wankain tru long ol. Na ol kaikai na haus bilong ol yet, em inap bilong mipela tu. Ol waitman i bilong narapela ples na pasin; mipela, nogat.

3. Ol pipel i wetim wanem samting long mipela pris bilong Niugini? Namba wan ol i laikim mipela i bringim tok bilong God long ol, givim ol sakramen long ol, na givim gutpela tingting long ol samting olsem skul, bisnis, politik. Ol i laikim mipela i stiaim ol long olgeta samting bilong bodi na sol.....

4. Sapos ol Yuroplan i bringim ol wari bilong ol long mipela, sampela taim mipela i pilim mipela i no inap, long wanem ol waitman hia i kam long narapela ples na i gat narapela pasin,

na olsem mipela i no save tru insait bilong ol tok bilong ol.

5. Mipela i pilim olgeta Yuroplan pris i laikim mipela tru na i putim mipela olsem wain lain bilong ol tru.

6. Mipela i laikim skul semineri bilong mipela inap tru long Yuni-versiti. Olsem bai mipela i pris pinis, mipela inap wok na toktok wantaim ol man i winim Yuni-versiti pinis na ol saveman bilong gavman o bisnis. Edukesen bilong mipela i mas inapim mipela long wok wantaim ol man nating bilong ples na wantaim ol man bilong bikpela save tu.

7. Mipela i laikim sampela gutpela pasin bilong Melanesia i ken kam insait long lotu. Olsem ol i traime pinis long pasin bilong marit katolik long Bougainville na pasin bilong givim baptismo bilong ol bikpela man long Nu Ailan. Long dispela wok yumi mas insait wantaim ol waitskin brata pris bilong mipela.

8. Mipela i pilim ol tok bilong God i no bingodaun insait tru long laip bilong ol pipel. Planti i no save tru long ol as tok bilong mipela katolik. Planti ol i tanim bek long ol pasin haiden bikos ol i pilim lotu bilong mipela i no stretim ol wari bilong ol. Planti tu ol i longlong nabaut taim ol i lukim ol pasin bilong ol waitpela kristen.

Mipela i laikim tumas bai ol tok bilong God i bihainim moa pasin bilong tingting bilong mipela ol Melanesia.

I gat planti samting yet ol pris bilong Melanesia stret i laik toktok long en..... Ol i laik mekim dispela kain kibung olgeta yia. Ol bisop i orait long dispela ting bilong ol.



Sampela pris bilong miting (kirap long lephan) Pater Alois Kape, Edmund Tsivara, Francis Misso, Lawrence, Owen Ani, Benedict Hiss, Ignatius Kilage.



Pater Caesar (Amerika) na tripela Pater bilong Bougainville: Edmund Tsivara, Benedict Hiss, na Pater Tatamas i sanap wantaim 4-pela lain Sister i kam harim ol tok bilong kibung tu.



Pater Timothy bilong Solomons i wokabaut wantaim sampela studen bilong semineri, o bikskul bilong redim ol man bai ol i kamap pris.

Kaunsil nius

Bougainville

Kaunsil Alois Noga, presiden bilong Buin Kaunsil, i tok planti waitman tumas i marit long Bougainville tasol ol i lusim famili na Bougainville olgeta. Em i no stret.

Kaunsila John Simiri bilong Siwi i tok, em i no laik tambuim ol wantaim long maritim ol meri Bougainville. Tasol em i wari planti long helpim ol hapkas pikinini i kamap olsem.

Kaunsil Konpres long Buin i strong long dispela samting: ol pikinini i kamap long marit bilong ol Bougainville meri wantaim ol waitman, em ol i mas inap long kisim graun long Australia. Sapos ol i tambu long kisim graun, orait ol waitman i mas i stap olgeta long Bougainville wantaim famili bilong ol.

Kavieng

Tikana Kaunsil hia i apim takis inap long \$12 nau. Olgeta man i winim 18 krismas pinis, i mas tromoim takis. Ol meri nogat.

Mt. Hagen

Lokal gayman kaunsil hia i gat wanpela ensinia stret bilong bosim ol wok long ol rot bilong ol. Nem bilong em Mista B. Hannan. Em bai bosim ol wok long ol bris, long ol nupela rot, na pasin bilong stretim ol olupela rot.

Gavman yet i bin makim \$60,000 long Mt. Hagen

Kaunsil bilong mekim olkain wok rot insait long taun bilong Mt. Hagen.

Ol takis mani em i bilong mekim wok rot insait long taun.

Mendi

Long miting hia ol kaunsila i givim \$50 long Mendi Pri Skul, \$200 long Lokal Gavman Asosiesen, na \$400 long Vunadidir Lokal Gayman Trening Skul klostu long Rabaul.

Ol kaunsila tu i daunim ol takis bilong ol man long hap bilong ol. Inap nau ol man i tromoim \$12 na ol meri \$3. Nau bai ol man i tromoim \$5 tasol na ol meri \$1.

Asaro Watabung

Kaunsil i stap wokim tripela raunpela haus bilong ol wokman na ol pasindia. Ol bun bilong haus ol i wokim long ain. Tripela wantaim i kostim \$3,000. Ol banis i bilong blain na pit-pit.

PWD bilong Goroka i salim buldok bilong en wantaim draivaboi bilong en bai tupela i ken wok inap 5 wik long ol Anegu Rot. PWD i bin salim tupela nating i go long Asaro kaunsil. Ol i no mas baim.

Kaunsil i bin pinisim haus tisa na skul i gat tupela rum long Asaro. Olgeta wantaim i kostim \$3,500. Nau ol i putim \$700 long tripela et pos: long Lunipe, na Anega na Mirama. Ol i wokim pinis rot bilong Iseyufa na Wanoboyufa; na nau ol i stap wokim wanpela bris ain long wanpela bris ain long Mefengkia.

Mt. Hagen

Mul Kaunsil bilong dispela hap bilong Westen Hailans i gat 20 wot tasol insait long ol dispela lain hia: Kumdi, Munjiga, Ramdi, Nenga, na Miti. Em i laikim 39 wot.

Jimi Kaunsil inap nau i gat 30 kaunsila. Nau em i laikim namba i go antap long 50.

Milne Bay

Ol kaunsil bilong dispela distrik i orait long salim strongpela tok long namba wan gavman, long wanem ol i bin tambuim wanpela bisnis kampani long kisim laisens long yia i go pinis, tasol Administreta Hay bilong bipo i daunim tok bilong ol.

Kiriwina Kaunsil i no laik givim laisens long Kiriwina Treding Kampani. Tripela waitman na Yunaitet Sios i papa bilong dispela nupela kampani. Ol kaunsila i tok olsem:

1.) Ples Kiriwina i gat inap bisnismen nau.

2.) Ol i laikim koprativ sosaiti i bosim ol bisnis.

3.) Ol arapela bisnis long dispela ailan i no laikim wanpela moa bisnis bilong waitman i kamap.

4.) Ol i gat inap stua pinis.

Tasol bosman bilong nupela bisnis, Mista Stuntz, i kros long dispela tok bilong Kaunsil na em i raitim wanpela pas i go long namba wan gavman bilong bipo, Mr. Hay. Mr. Hay i strongim tok bilong Mista Stuntz na i tok ol man bilong Kiriwina ol i tambuim laisens bilong em bikos em i waitman tasol.

HARIM!



Yu laikim nambawan kain piksa i klia long kamera bilong yu? Orait, yu mas salim ol film bilong yu i go long Rabaul Photographic bai ol i wasim na prinim piksa. Yu putim wan dola insait long skin pas wantaim film na salim nau tasol i go long:

RABAU PHOTOGRAPHIC



P. O. Box 164, RABAU

KLASIFAIT

PABLIK NOTIS

YU SAVE gutpela rot long wokabout bilong yumi long olgeta de? Sapos yu laik kisim nating dispela buk, salim pas long Booklet, Box 1096, Boroko.

Wantok Publications
P.O. Box 298, Wewak, i wokim, na Wirui Pres long Wewak i prinim.



WANTOK
Sapek
tok
Hiug
Teri
kam
Per
mi

Sapos yu laik kisim niuspepa WANTOK yu mas salim dispela hap niuspepa i kam bek wantaim \$4 (foa dola). Adres bilong mipela em hia:
WANTOK PUBLICATIONS INC.,
P.O. BOX 298, WEWAK.

NEM BILONG YU HIA:

ADRES BILONG YU HIA:

FOA DOLA

sapos yu salim \$4 (foa dola)

bai mipela i salim WANTOK

long yu inap long

WAN YIA

Sori, mipela i mas apim prais bikos ol i apim prais bilong salim ol pas.

6-pela taim.....1.00
12-pela taim.....2.00

18 taim.....3.00
24 taim.....4.00



Asemblei i bin orait long ol 000 wokman bilong lain i mas im moa pe. Long yia 1971 ol i kisim \$11.80 long fotnait pas ol i wok mani stret. Bihain pe i go antap moa yet.

I tu ol man o ofisa i pinisim long gavman i mas kisim moa malolo o pe lip. Man i mas gat kribmas o wok wantaim gavman ap 35 yia bilong kisim pe lip.

Wman tu i strong ol bisnisman mas skulim moa Niuginian long sin bilong ranim bisnis na kipim bisnis bilong ol yet.

ata Toua Kapena, ministerial memba long bosim ol wok, i toktok wantaim mipela wokman long ti faktori long djip long Hailans

ata Nasson Paulias, hetman bilong geta skul long Is Sepik Distrik, i vim setifiket long tisa Michael Luke bilong Aitape.



19,841 Pinisim
Standat 6

Pop i Kam
Lukim

